

**საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი
ბრძანება N0-09/309**

ქ. ბათუმი

07 აგვისტო, 2014 წ.

**ბსუ-ს სოციალურ მეცნიერებათა ბიზნესისა და სამართალმცოდნეობის ფაკულტეტის
სტუდენტ დავით ლომთათიძისათვის ბსუ-ს სტუდენტის სტატუსის შეწყვეტის
თაობაზე, რომელსაც 5 წელზე მეტი ხნის განმავლობაში შეჩერებული აქვს ბსუ-ს
სტუდენტის სტატუსი**

სოციალურ მეცნიერებათა ბიზნესისა და სამართალმცოდნეობის ფაკულტეტის დეკანის 2014 წლის 02 ივლისის №2823 მოხსენებითი ბარათის საფუძველზე გამოიცა „ბსუ-ს სოციალურ მეცნიერებათა, ბიზნესისა და სამართალმცოდნეობის ფაკულტეტის სტუდენტ დავით ლომთათიძის მიმართ ბსუ-ს სტუდენტის სტატუსის შეწყვეტის თაობაზე ინდივიდუალური ადმინისტრაციულ-სამართლებრივი აქტის გამოსაცემად ადმინისტრაციული წარმოების დაწყების შესახებ“ ბსუ-ს რექტორის 2014 წლის 10 ივლისის №01-09/282 ბრძანება. აღნიშნული ბრძანება ადმინისტრაციულ წარმოებაში მონაწილეობის მიღების მიზნით გაეგზავნა დაინტერესებულ პირს, ასევე გამოქვეყნდა ბსუ-ს საინფორმაციო დაფაზე და ბსუ-ს ვებ გვერდზე.

ბსუ-ს წესდების 66-ე მუხლის მე-8 პუნქტის თანახმად, ბსუ-ს სტუდენტის სტატუსის შეწყვეტის საფუძველია უნივერსიტეტში სწავლის პერიოდში 5 წელზე მეტი ხნის განმავლობაში სტუდენტის სტატუსის შეჩერება. ბსუ-ს აკადემიური საბჭოს მიერ 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“-ს მე-3 მუხლის მე-5 პუნქტის თანახმად, კანონმდებლობითა და ბსუ-ს წესდებით დადგენილი წესით დასაშვებია ბსუ-სა და სტუდენტის უფლება-მოვალეობების შესრულებისაგან განთავისუფლება - სტუდენტის სტატუსის შეჩერება. სტუდენტის სტატუსის შეჩერების საფუძველია: აკადემიური შვებულება, ავადმყოფობა, უცხო ქვეყანაში, უმაღლეს საგანმანათლებლო დაწესებულებაში სწავლა, ფინანსური დავალიანება ან ბსუ-ს წესდებით გათვალისწინებული სხვა გარემოება. სტუდენტის სტატუსის შეჩერებიდან 5 წლის შემდეგ პირს უწყდება სტუდენტის სტატუსი, გარდა კანონმდებლობით გათვალისწინებული შემთხვევებისა. ყოველივე აღნიშნულიდან გამომდინარე კანონშესაბამისია ბსუ-ს რექტორის 2014 წლის 10 ივლისის №01-09/282 ბრძანების საფუძველზე შეუწყდეს ბსუ-ს სტუდენტის სტატუსი დავით ლომთათიძეს.

საქართველოს ზოგადი ადმინისტრაციული კოდექსის 53-56-ე მუხლების, „უმაღლესი განათლების შესახებ“ საქართველოს კანონის 22-ე მუხლის პირველი

პუნქტის, შოთა რუსთაველის სახელმწიფო უნივერსიტეტის წესდების მე-13 მუხლის, 66-ე მუხლის, უნივერსიტეტის აკადემიური საბჭოს 2011 წლის 20 აპრილის №55 დადგენილებით დამტკიცებული „რსუ-ს პირველი და მეორე საფეხურის უმაღლესი საგანმანათლებლო პროგრამების განხორციელების წესის“, ბსუ-ს რექტორის 2012 წლის 07 ივნისის №01-08/21 ბრძანების, სოციალურ მეცნიერებათა ბიზნესისა და სამართალმცოდნეობის ფაკულტეტის დეკანის 2014 წლის 02 ივლისის №2823 მოხსენებითი ბარათისა და ბსუ-ს რექტორის 2014 წლის 10 აპრილის №01-09/282 ბრძანების საფუძველზე

ვ ბ რ ძ ა ნ ე ბ :

1. შეუწყდეს ბსუ-ს სტუდენტის სტატუსი სოციალურ მეცნიერებათა, ბიზნესისა და სამართალმცოდნეობის ფაკულტეტის, ეკონომიკა და მართვის სპეციალობაზე ჩარიცხულ სტუდენტ დავით ლომთათიძეს(პ/№ , რომლესაც 5 წელზე მეტი ხნის განმავლობაში შეჩერებული აქვს ბსუ-ს სტუდენტის სტატუსი.
2. ბრძანება ეცნობოს დაინტერესებულ პირს. ამ მიზნით ბრძანება გამოქვეყნდეს ბსუ-ს სოციალურ მეცნიერებათა ბიზნესისა და სამართალმცოდნეობის ფაკულტეტზე თვალსაჩინო ადგილას არსებულ საინფორმაციო დაფაზე, რომლის უზრუნველყოფა დაევალოს შესაბამისი ფაკულტეტის მდივანს, ასევე განთავსდეს ბსუ-ს ვებ-გვერდზე.
3. ბრძანების ბსუ-ს ვებ-გვერდზე განთავსების უზრუნველყოფა დაევალოს ბსუ-ს საინფორმაციო-ტექნოლოგიებისა და კომუნიკაციების სამსახურს.
4. ბრძანება შეიძლება გასაჩივრდეს მისი გამოცემიდან ბათუმის საქალაქო სასამართლოში (ქ. ბათუმი, ძმ. ზუბალაშვილების ქ. №30);
5. ბრძანება ძალაშია გამოცემისთანავე.

რექტორის მოადგილე, ასოც. პროფესორი

ირაკლი ბარამიძე